

## PENDAHULUAN

Dengan inayah Tuhan Yang Maha Kuasa dapat-lah di-susun buku kechil ini kangkuan saudara2 yang meminat sejarah Luak Jelebu. Sa-sungguh-nya buku yang di-beri nama Jelebu, Sejarah, Perlembagaan Adat dan Istiadat-nya' ini ada-lah sama sakali jangan di-anggap sabagai authority atau lain2-nya, ha-nya buku ini sabagai satu sumbar bacaan sejarah sahaja.

Selain dari tujuan menchatetkan sejarah yang di-sebarkan dari mulut ka-mulut sahaja maka buku ini sekarang sekurang2-nya sabagai bahan penyiasat bagi mereka menyelami lubok sejarah kampong halaman-nya.

Buku ini saya karang dan susunkan dengan mendapat bahan2 dari perchakapan mulut, keterangan yang di-beri bersendirian oleh orang tua2 dan buku2 chatitan mana2 yang terjumpa.

Sidang pembacha yang mulia, saya mendahului menghulorkan tangan memohon maaf di-atas segala kesilapan2 yang akan di-temui dalam masa membacha nanti, anggap-lah kesalahan2 itu sabagai yang tidak di-sengajakan dan kebetullan jua, sempena Tabal Undang Jelebu hari ini. Bersama2-lah kita membaiki-nya buat masa akan datang ini.

Kuala Klawang,

Salam hormat dari,  
Penyusun,

# NAMA JELEBU

Jelevu, dahulu-nya di-kenali, sabagai sabuah negeri bergajah tunggal, tetapi hari ini ha-nya sa-bagai sa-buah daripada jajahan Negeri Sembilan sahaja. Nama negeri Jelevu di-kenali oleh orang2 Negeri Sembilan khas-nya, kemashoran-nya ia-lah dari kerana bangkit-nya Pemutusnya Beraja ka-Johor kerana menuntut bela. Nama orang ini tidak asing lagi kapada pengetahuan anak2 Melayu Jelevu khas-nya warith2 ia itu Dato' Moyang Salleh.

Ia sa-orang yang benchi akan kezaliman. Lebeh2 lagi ia masa itu ada-lah sa-bagai Undang yang bertanggung jawab melindungi ra'ayat-nya, kaum keluarga-nya dari teraniaya walau pun dari raja. Maka sudah sa-layak-nya ia bertindak demikian, tetapi bukan-lah dengan kekerasan, kita hanya dapat berkata ia ada-lah sa-orang yang benar2 bertanggung jawab melindungi ra'ayat dan orang2 yang sangat berharap akan perlindungan dari ketua-nya.

Sa-belom kita mengkaji lebeh lanjut akan hal Undang dan orang besar ini, elok-lah kira-nya kita mengetahui lebeh dahulu serba sedikit akan asal nama luak yang sangat di-pertahankan-nya itu. Nama luak-nya ia-lah Jelevu. Sa-belom daripada Luak ini di-namai dengan nama Jelevu ia terlebih dahulu di-kenali dengan nama Sungai Lumut, ia itu mengikut keadaan sungai yang mula2 di-temui peneroka2 di-antara genting Langkap dan di-hulu tempat mula2 di-buka luak ini. Keadaan-nya sentiasa berlumut dan penoh oleh-nya sahaja. Nama luak Jelevu ia-lah di-beri oleh Peneroka2 di-situ mengikut cherita orang tua2 ada dua sebab. Satu cherita mengatakan ia di-namakan atas nama sa-orang hamba Allah orang asli di-luak ini yang mati lemas di-dalam sungai Teriang di-sini. Hamba Allah itu bernama Jelevu atau Jelbu. Satu lagi cherita mulut orang tua2 Jelevu ia-lah asal-nya dari biduanda2 Semujong (Sungai Ujong) datang membawa benih labu dari suatu tempat di-Semujong bernama Batang Labu, lalu di-tanam di-sakeliling tempat yang mereka baharu tebang tebas itu dengan benih labu. Maka sangat-lah subur hidup-nya lalu menjalar-lah ia dengan buah-nya ter-sangat banyak-nya, lalu mereka pun berpakat2 mengubah nama tempat itu dengan nama tempat pokok jalar labu, atau bila memendekkan ungkapan jalar labu jalalabu, lama2 jadi jelbu lalu akhir-nya jadi-lah ia bernama Jelevu. Dalam pada itu mana2 yang sahih-nya pun nama asal - Jelevu itu ta'dapat di-ambil keterangan yang berdasarkan bukti bertulis ha-nya sebutan belaka.

Mengikut cherita2 mulut cherita Jelevu itu banyak benar cherita2 yang ber-asingan oleh sebab itu elok-lah di-chatitkan dengan ringkas akan hal ahwal Jelevu supaya mudah di-ikut dan di-terima oleh akal pula. Maka asal usul orang membuka jajahan itu bermacam2 juga yang telah di-dapati; tetapi hampir2 juga masuk kapada dongeng jua. Di-cheterakan ada-lah asal mula orang membuka negeri itu di-Kuala Dulang ia-lah di-sebabkan tatkala sampai ka-situ dua orang hamba Allah yang telah mengembara dari Pahang dan dari Pagar Ruyong juga. Sa-orang Pawang Besar dan sa-orang lagi Tukang Telek yang bijaksana juga. Mereka tiba di-suatu rumpun buloh yang tebal di-situ. Maka kata si-pawang, "Chuba kita siasat akan hal-nya apa yang ada di-dalam rumpon buloh ini."

Maka apabila di-tebas tebang di-dapati oleh si-penelek itu ia itu ada di-tengah2 rumpun buloh itu suatu tunggal buloh yang tinggi-nya sa-paras pinggang. Di-

situ ada sa-orang perempuan menunggu mereka dekat-nya kelihatan-lah sa-buah balang dan di-situ-lah terselimpoh-nya Putri yang jelita itu. Kedua2 orang itu pun bertola2 atas soalan siapa yang patut mengahwini Tuan Putri itu. Mendengarkan pertengkaran itu lalu Tuan Putri itu pun berkata, "Hai saudaraku berdua, sabenar-nya-lah kita ini sa-waris dan bersaudara, maka dengan takdir Tuhan kita bertemu di-sini pada saat yang baik ini." "Beta tidak boleh berkahwin dengan saudara berdua." Nama beta ia-lah Putri Bongsu, timangan Putri Penyayang, anak raja berdarah puteh, hitam tekak, bulu roma songsang. Saudaraku Dato' Hulubalang Misai Beruban dan Hulubalang Hitam, buka-lah negeri ini dan buatkan beta tempat kediaman di-Kuala Dulang. Maka lepas itu ia pun berkahwin dengan sa-orang sultan. Tatapi ia tidak mengaku ia Raja oleh sebab hendakkan Pesaka-nya turun ka-Waris. Di-Kuala Dulang mereka berundor dengan meninggalkan dua orang anak perempuan. Maka dengan sebab itu juga mereka jadi Keramat Masjid Kuala Dulang hingga sekarang ini juga.

Oleh sebab hendakkan keturunan pemerintah-nya turun kepada waris maka anak2-nya sahaja yang di-tinggalkan untuk meneroka Sungai Lumut, Peninjau dan Sarin sa-lepas-nya. Ini-lah gerangan-nya Moyang Angut dan Moyang Angsa yang tersebut kesah-nya kemudian dalam chetera Jelevu. Akan hal kedua raja dan putri itu mereka ghaib lalu kembali ka-tempat mereka di-atas bukit yang di-sebut hingga ka-hari ini Bukit Peraja, yang sangat di-hormati hingga ka-hari ini juga. Ada pun zaman ini ia-lah zaman Jakun dan mereka-lah yang mula2 mendudoki tempat ini, To' Jelondong khabar-nya ketua meneroka tempat ini. Tiap2 satu-nya di-hitungkan sabagai sa-buah negeri. Orang2-nya ia-lah Jakun, Semang dan Sakai. Itu pun tidak banyak bilangan-nya. Menurut cherita mereka bahawa mereka pun datang dari Pulau Sumatra dan dari Gugusan Pulau2 Melayu juga.

Mudek Sungai Muar sampai ka-Merbau Sa-rutus; jika menukek mendaki, jejak menurun, mendorong. Sembilan orang adek beradek, lalu di-tebas tebang hutan rimba, di-bakar dan berhuma di-tanam jagong, apabila masak di-kutip dan di-masokkan ka-dalam ambong ia itu sa-jenis bakol rotan bersandang ka-bahu bertalikan terap. Mereka menjelajah mengikut hala sa-belah kanan Gunong Ledang keluar ka-Johol, lalu ka-Semujong dan Jelevu dan saterus-nya ka-Rembau. Di-Jelevu mereka berkediaman di-bukit2 dari Hulu Teriang hingga ka-Gunong Hantu ia itu-lah tempat kediaman nenek moyang yang asal dari asal lagi dari zaman dahulu lagi. Mereka di-kenali dengan panggilan Jakun (Biduanda). Apabila orang sudah ramai di-lantek-nya Batin ketua-nya dan Jenang pembantu-nya mengurus hal2 puak2-nya.

Cherita2 orang tua2 mantera ia itu kesah Jelevu ada-lah bermula dari Mertang ia itu sa-orang ahli sihir yang terkenal berkahwin dengan sa-orang adek perempuan-nya. Mereka beroleh sa-orang anak laki2 To' Etah yang kemudian-nya pergi ka-Pagar Ruyong. Anak laki2 To' Etah-lah yang bernama To' Terjali yang balek ka-sini lalu pergi ka-Jelevu dengan Porok mengembara di-situ langsung menetap di-Jelevu sabagai-mana chetera-nya yang berikut ini:-

Di-cheterakan ia itu salasilah mantera Jelevu itu bermula dari Batin Terjali dengan Maharaja Alif serta Putri Ambong Seri Alam. Maharaja Alif beroleh sa-orang Putra Maharaja Bepang yang kemudian-nya berkahwin dengan putri Lindong Bulan dan beroleh sa-orang putra Raja-Di-Raja. Mereka pun meneroka negeri untuk anak chuchunya mengembangkan raayat seluroh tetangga. Maharaja Bepang pergi berkahwin di-negeri China. Batin Terjali menetap sementara waktu di-Minangkabau. Sa-lepas itu mereka sampai ka-mari saperti tersebut ia itu menetap di-Johor sementara dan kemudian-nya tiba ka-Bukit Kundek di-Jelevu. Di-Bukit Kundek Batin Terjali mendapat sa-orang anak laki2 di-beri nama Lambong Setia Raja. Dan di-sini juga Maharaja

Alif dapat sa-orang anak laki2 di-beri nama Sah Alam Raja Sahari. Di-gunong pertemuan satu perkumpolan telah di-adakan di-mana Batin Terjali dan Maharaja Alif bersatu melantek Lambong Setia Raja, jadi Batin dan Sah Alam jadi Menteri-nya. Mereka kemudian di-perentahkan turun dari Gunong pertemuan dan barang di-mana bertemu nasi sa-dulang menunggu mereka di-situ-lah meneroka.

Kemudian akan di-tanda sempadan2 untok tanah-nya. Sa-sudah beramanat demikian maka Maharaja Alif, Batin Terjali, Putri Ambong Seri Alam dan Porok pun akan mengundorkan diri daripada tempat itu. Akhir-nya mereka mati atau pindah tidak-lah di-sebut dengan terang kesah-nya. Akan hal Batin Lambong Setia Raja dan Sah Alam Raja Sahari itu pun mengembara turun hingga sampai ka-sa-buah bukit bernama Bukit Buaiyan, di-situ di-sabelah bawah-nya mereka bertemu dengan sa-dulang nasi menunggu mereka. Lalu-lah mereka pun makan sa-telah penat bekerja dan membuka tempat itu. Tanda tempat itu lalu di-namakan Kuala Dulang sebab di-kuala sa-buah sungai di-situ. Kuala Dulang ia itu di-sabelah bawah Bukit Buaiyan hingga ka-hari ini dan di-sini ada-lah di-anggap keramat dan banyak hubungan-nya dengan luak Jelebu, dan di-sini juga tempat mula perkembangan luak ini. Kawasan di-sakeliling-nya pun terbuka yang pada masa itu maseh lagi bernama Sungai Lumut. Dari sini mereka mengembara ka-Hulu Teriang menchari tempat yang lebeh bersesuaian untok mereka. Di-Hulu teriang-lah biduanda2 ini berkembang dengan ramai-nya.

Apabila negeri telah terbuka dan orang pun sudah ramai maka Batin Lambong Setia Raja pun menukar nama-nya kapada Batin Maha Galang. Sempadan2 untok tanah mereka telah pun di-tanda oleh Batin Terjali ia itu di-antara Pulau Upeh tempat Batin Terjali mula2 berpijak ka-tanah di-sini. Batin Terjali pergi ka-Muar lalu memahat batu di-satu tempat itu pun di-namakan Batu Pahat hingga ka-pada masa ini juga. Sempadan di-tetapan saperti berikut: - di-antara Jelebu dan Johol ia-lah Leban Besi, Batu Berinding Lantak dan Temiang Tumpat; di-antara Jelebu dengan Semujong ia-lah Semambu sa-Rumpun dan Nibong Tengah Ayer Bukit Tangga, di-antara Jelebu dan Kelang ia-lah Lebah Bergoyang, Pulau Bersela dan Genting Piras di-antara Jelebu dan Pahang ia-lah Merbau Sa-Ratus, Meranti Sembilan dan Bukit Batu Bulan.

Sa-telah selesai menandakan semua ini maka Batin Mahagalang pun kembali ka-Jelebu lalu mengangkat Jenang Singa Raja Setia untok menggantikan-nya jadi Batin di-Jelebu sa-telah ia tua atau pun hendak berehat bebas pula. Ia-nya kemudian mengembara lagi atau pun mati tidak-lah jelas. Sa-lepas Singa Raja Setia menjadi Batin beberapa lama gerangan-nya, maka jawatan itu di-sandang pula oleh warithan-nya yang perempuan pula ia itu sa-orang biduanda yang tersebut kesah-nya dahulu yang bernama Moyang Angsa. Maka dari sa-menjak itu-lah mula-nya berubah-nya chara2 pemerintahan berpenghulu di-Jelebu. Chetera Biduanda Mantera Ulu Kenaboi ada-lah mengesahkan cherita yang hampir sama juga. Ia bermula dengan Pa' Galang sa-orang Batin Yang Pertama bagi mereka dan kemudian sa-orang anak laki2-nya menggantikan-nya ia itu Galang juga nama-nya dan sa-lepas itu chuchu-nya yang laki2 Chan Galam Pa' Asah, memerintah Kenaboi satelah merantau, ia lalu meneroka Bukit Kundek, chuchu-nya yang laki2 Tapak pergi ka-Ulu Gelimau. Sa-lepas itu ada pergadohan di-antara puak2 ini. Sa-orang Batin Dadun telah membuka negeri melampaui Merantai Sembilan di-Pahang, ketika sa-orang Batin Bulu memerintah Bukit2 Kenaboi sa-hingga Karak dan Temelong (Telemong) di-Pahang.

Batin Timpo membuka Gelami dan Batin Rangong membuka Ulu Teriang termasuk-lah Lebah Bergoyang dan Bangkong Chondong. Langkap ia-lah di-dalam jagaan Batin Pekong. Salasilah Batin2 Negeri Sembilan ada-lah lebeh kurang bagini bermula dengan Batin Seri Alam dan dapat anak ia itu Batin Berchanggai Besi Ketua di -

Semujong, Batin Jelondong, membuka Jelevu, Nenek Kerbau, membuka Johol dari-nya turun To' Dara Derani dan adek perempuan-nya bernama Putri Mayang Selida ber-suamikan Sultan Johor. Dari Batin To' Dara Derani dzahir-nya Batin Sibul Jaya ber-khawin dengan Bendahara Sekudai dan adek beradek dengan To' Engku Klang, jadi pemerentah Klang, To' Menteri Akhir ul-zaman, jadi pemerentah Jelevu, To' Johan Pahlawan kahwin dengan Batin Siti Awan jadi pemerentah Johol dan yang bongsu To' Lela Raja jadi pemerentah Rembau. Tempat mereka di-lahirkan ada-lah saperti cherita ini di-Gunong Berambu lahir-nya Klana Putra Batin Makbut, jadi Batin Semu-jong, di-Bukit Seriba lahir-nya Johan Pahlawan Lela Perkasa Batin Chalam yang ber-kahwin dengan Siti Awan jadi pemerentah Johol saperti tersebut di-atas. Salasilah ini ta'dapat hendak di-katakan tepat ha-nya juga di-anggap sahih dan thabit juga dalam persaudaraan mereka itu.